

禮

記

釋

注

禮記釋注敘

庚辰之秋自都還里杜門卻埽取禮記四十九篇細釋讀之因據唐石經及衛正叔集說校正經注訂譌補說古注質奧孔疏所不能詳者復旁攷諸書疏其疑滯自秋徂冬其積得若干條藏諸篋衍壬午夏齋居多閒始取舊藁編錄成帙其與前人闡合者刪之亦有先儒所已言而重著之者必其論辨加詳足以相舊說之所不及而后存之然皆標姓氏於前而以鄙案附於後郭象齊邱之爲蓋深恥之也錄旣畢題曰禮記闡注劉君孟詹語余曰賈公彥儀禮周禮疏皆稱釋曰謂釋鄭注也今子亦解釋鄭意何不

曰釋注余臆其言遂易今名壬午夏四月二十五日淮安
山陽丁晏白序

禮記釋注卷一

淮安山陽丁晏學

曲禮

以箕自鄉而扱之注扱讀曰吸謂收糞時也 案說文手
部扱收也从手及聲

奉席如橋衡注橋井上榑棹 案莊子天地篇鑿木爲機
後重前輕挈水若抽數如決湯其名曰棹釋文棹本又
作橋淮南子主術訓橋直植立而不動俛仰取制焉高
誘注橋桔槔上衡也說苑反質篇云爲機重其後輕其
前命曰橋終日溉韭百區不倦御覽宗親部引說苑作

命曰桔槔是鄭氏以前並謂橋爲桔槔後人訓爲橋梁失之

斂髮毋髦注髦或作肆 案小宗伯注故書肆爲肆小子注後鄭注讀肆爲鬋鬋與髦同古聲近之字多假借也不同槌柳 案釋文作地衣架也說文無槌字新附有之葱深處末注深烝葱也 案釋文深作漈是唐石經避世字諱改作漈字又作藻廣韻十三祭藻餘制切烝也又蔥葉也

毋咤食注嫌薄之正義曰謂以口舌中作聲也似若嫌主人之食也 案釋文咤叱咤也說文口部吒噴也叱怒

也从口毛聲玉篇引禮記毋吒食吒同上

良者舉未醕注盡爵曰醕 案說文酉部醕飲酒盡也从酉喟省聲毛詩卷耳正義引韓詩說曰爵盡也白虎通說爵祿曰爵者盡也又說文水部漕盡也欠部漶盡酒也古从焦之字與從爵之字多通用故皆取盡意

羹之有桼者用桼注桼猶箸也今人或謂箸爲桼提 案提當讀爲匙說文匙匕也从匕是聲又作提玉篇提匕名方言曰匕謂之匙蘇林注漢書曰北方人名匕曰匙漢地理志朱提應劭曰提音時北方人名匕曰匙釋元應十誦律音義引通俗文匕或謂之匙方言作提同

進戈者前其鐔後其刃進矛戟者前其鍔注銳底曰鐔取其鐔也平底曰鍔取其鍔也 案說文金部鐔矛戟秘下銅鐔也从金享聲鐔秘下銅也从金尊聲小戎毛傳鐔鐔也淮南子原道訓猶鐔之與刃刃難犯而鐔無患者何也以其託於後位也

急繕其怒注繕讀曰勁 案周禮夏官繕人鄭注繕之言勁也宋楊伯岳九經補韻繕吉政反

左右攘辟注攘卻也或者攘古讓字 案漢書禮樂志盛揖攘之容顏注攘古讓字說文言部讓責讓也攘推也古推讓字皆作攘廣韻攘文字指歸云揖攘

爲其拜而菱拜注菱猶詐也正義曰菱挫也一云詐也言
著甲而拜形儀不足似詐也 案廣韻三十九過菱則
臥反又詐也經典作菱陸氏釋文引盧本作蹲公羊僖
三十三年傳何休解詁云介冑不拜爲其拜如蹲與盧
植本同

國君不乘奇車注奇車獵衣之屬 正義隱義曰獵車之
形今之鈎車是也衣車如鼈而長也漢桓帝之時禁臣
下乘之 案劉熙釋名衣車前戶所以載衣服之車也
獵車所乘以畋獵也漢書宣帝紀太僕以輪獵車奉迎
龜孫文穎曰輪獵小車

立視五嶠注嶠猶規也謂輪轉之度嶠或爲嶠正義嶠規聲相近 案爾雅釋鳥嶠周郭注子嶠鳥邢疏今謂之子規是也釋文嶠音規孔謂嶠規聲近得之漢地理志越嶠郡師古曰嶠音先菜反

國中以策彗卹勿釋文勿音沒 案古勿字讀如沒玉篇勿古文沒字釋詁𩇑沒勉也郭注猶𩇑勉漢書劉向傳引詩𩇑勉從事作密勿

大夫則綏之注綏讀曰妥 案士相見禮妥而後傳言注古文妥爲綏毛詩鴛鴦福祿綏之釋文綏音士果反集古錄楊南仲釋周鼎銘曰妥字說文無之蓋古綏字省

糸爾其後相承讀如婿故安疑讀爲綬

苞履注苞蕉也齊衰蕉蒯之非也 案喪服子夏傳曰疏

屨者蕉蒯之非也文選上林賦注引張揖曰苞蕉也

踰竟爲壇位釋文壇徐音善注同 案周禮大司馬鄭注

壇讀如同壇之壇書亦或爲壇

素箴注箴覆答也或爲幕 案釋文箴本又作幟詩鄴輶

淺幟毛傳幟覆式也孔疏幟字禮記作帑周禮註幟字

異而義同既夕禮白狗帑鄭注帑覆答也以狗皮爲之

取其膈也古文帑爲冪

不蚤鬻注蚤讀爲爪 案攷工記既其纆欲其蚤之正也

鄭注蚤當爲爪士虞禮沐浴櫛搔翦鄭注搔當音爪今
文曰沐浴搔翦或爲蚤揃揃或爲髻

告喪曰天王登假釋文假音遐 案列子黃帝篇帝登假
注假當作遐說文辵部無遐字古通作假

天子之妃曰后諸侯曰夫人大夫曰孺人士曰婦人庶人
曰妻注后之言後也夫之言扶孺之言屬婦之言服妻
之言齊 案釋名釋親屬后後也言在後不敢以副言
也夫扶也扶助其君也孺屬也婦服也服家事也齊
也夫賤不足以尊稱故齊等言也

雞曰翰音 案說文鳥部翰字注魯郊禮以丹雞祝曰以

斯翰音赤羽去魯侯之咎

稷曰明粢正義曰隋秘書監王劭勘晉宋古本皆無稷曰
明粢句立八疑十二證以爲無此一句爲是爾雅以粢
爲稷士虞禮曰明齊洩酒鄭注云或曰明齊當爲明視
謂兔腊也今文曰明粢粢稷也王劭旣背爾雅之說又
不見鄭元之言苟信錯書妄生同異改亂經籍深可哀
哉釋文稷曰明粢一本作明梁古本無此句 惠氏棟
周禮古義曰大祝注引曲禮曰牛曰一元大武豕曰剛
鬣羊曰柔毛雞曰翰音黍曰薶合梁曰薶其稻曰嘉蔬
無稷曰明粢句又獻帝宗廟祝嘏辭所薦一元大武柔

毛剛鬣商祭明眎香合嘉疏鹹醴豐本而不及明粢蔡邕獨斷載祭宗廟禮牲之別名皆與曲禮同獨無稷曰明粢一句 晏案續漢書祭祀志注引丁孚漢儀有桓帝祠恭懷皇后祝文曰敢用絜牲一元大武柔毛剛鬣商祭明視薌其嘉薦普淖醑醑豐本明粢亦用明粢文王劭說未可盡信惠定宇謂大祝注無此句然禮運作其祝號疏引大祝齋號注若稷曰明粢則周禮注有此一句是孔賈所見本亦異通典吉禮七引稷曰明粢唐石經亦有此句

庶人之摯匹注說者以匹爲鷺 案白虎通文質篇引曲

禮曰庶人之摯正正謂鷺也士相見禮鄭注庶人之摯鷺周禮大宗伯以禽作六摯庶人執鷺

檀弓

檀弓免焉釋文免音問 案記中袒免之免並音問字或作纒左傳哀二年使太子纒釋文音問喪冠也又內則免薨釋文音問新生曰免桓五年左傳文公子佗殺太子免而代之釋文免音問是免字古有問音程泰之謂免不當音問無乃夏蟲之見乎

何居注居讀爲姬姓之姬齊魯之間語助也 案易繫辭下則居可知矣釋文引鄭元王肅云居音基史記宋微

子世家裴駟注引鄭元曰其語助也齊魯之間聲如姬
禮記曰何居左傳成二年誰居釋文居音基語辭也列
子黃帝篇云姬魚語女張湛注姬音居魚當作吾陸佃
謂居讀如字爲不識古音矣

昔者文王舍伯邑考而立武王注文之立武王權也 案
淮南子汜論訓文王舍伯邑考而用武王非制也注伯
邑考武王之兄廢長立聖以庶代嫡聖人之權也
故孔氏之不喪出母自子思始也註記禮所由廢非之
案淮南說山訓曰孔氏不喪出母此禮之失者

順乎其至也注順至也釋文順音懇惻隱之貌 案攷工

記轉人注鄭司農讀頤爲懇

於是封之崇四尺注高四尺蓋周之士制 案周禮冢人
疏引春秋緯天子墳高三仞諸侯半之大夫八尺士四
尺鄭說本此

爾來何遲也曰防墓崩注言所以遲者修之而來 案漢
書劉向傳諫起昌陵疏曰孔子葬母於防稱古墓而不
墳曰某東西南北之人也不可不知識也爲四尺墳遇雨
而崩弟子修之以告孔子孔子流涕曰吾聞之古者不
修墓蓋非之也鄭氏謂修之而來本子政語意

有虞氏瓦棺夏后氏璽周殷人棺柳周人牆置嬰 案淮

南子汜論訓有虞氏用瓦棺夏后氏塋周殷人用槨周人牆置窆注瓦棺陶瓦以瓦廣二尺長四尺側身累之以蔽土曰塋周周人兼用棺槨故牆置窆狀如要扇畫文插置棺車箱以爲飾多少之差各從其爵命之數白虎通崩薨篇虞尙質故用瓦夏后氏益文故易之以塋周謂塋木相周故無膠漆之用也殷人棺槨有膠漆之用周人浸文牆置窆加巧飾

子蓋言子之志於公平注蓋皆當爲盍 案唐石經作盍依鄭氏改孟子蓋祿萬鐘音義引張鑑音丁公著音並云蓋音盍

馬驚敗績釋文作馬驚敗一本無驚字 東萊呂氏曰釋
文無績字案乘邱之戰魯勝也無敗績之事但當時止
是馬驚敗耳

畏注非罪攻已而死 案白虎通喪服引此文云畏者兵
死也通典八十三凶禮引盧植曰畏者兵刃所殺也並
與鄭同王肅謂犯法獄死失之

子思之哭嫂也爲位 案子思之母死於衛正義引張逸
問舊儒世本皆以孔子後數世皆一子禮適子爲父後
爲嫁母無服檀弓說子思從於嫁母服何鄭答曰子思
哭嫂爲位必非適子或者兄若早死無繼故云數世皆

一子康成此說最允皇氏謂原憲字子思無乃失之巧乎

梁木其壤 困學紀聞曰家語終記云梁木其壤吾將安杖檀弓無此四字或謂廬陵劉美中家古本禮記有則吾將安仗五字蓋與家語合 案家語僞書不足信王肅竄改經文往往若此正義曰梁木哲人總云吾將安放則唐本無此五字高麗本亦有則吾將安仗五字皆出好事者傳會

公西赤爲志焉注志謂章識 案保章氏鄭注云志古文識釋名言語識幟也有章幟可按視也漢書王莽傳旌

旗表識師古曰識讀與幟同說文無幟字新附有之

子夏既除喪而見子之琴和之而不和彈之而不成聲作而曰哀未忘也先王制禮而弗敢過也子張既除喪而見子之琴和之而和彈之而成聲作而曰先王制禮不敢不至焉案毛詩素冠傳子夏三年之喪畢見於夫子援琴而絃衍衍而樂作而曰先王制禮不敢不及夫子曰君子也閔子騫三年之喪畢見於夫子援琴而絃切切而哀作而曰先王制禮不敢過也夫子曰君子也說苑修文篇亦載此文與毛公傳同孔穎達謂當以詩傳爲正

喪事欲其縱縱爾注縱讀如摠領之摠 案漢書禮樂志

騎沓沓般縱縱孟康曰縱音總

是故竹不成用瓦不成味注竹不可善用謂邊無滕味當

作沫沫讀也正義謂竹器邊無滕緣也 案士喪禮兩

簋無滕鄭注滕緣也白虎通三教引竹器不成用木器

不成斲瓦器不成沫鄭氏改味作沫與班孟堅同

漢地理志

益州郡味縣
孟康曰音味

宮中無相以爲沽也注沽猶略也 案釋文沽音古廣韻

十姥沽古並公戶切周禮司兵注功沽上下疏沽謂麇

惡者

縣棺而封注封當爲窆窆下棺也春秋傳作塋。案王制
庶人縣封曾子曰旣封而歸雜記下旣封而退喪大記
凡封用綽去碑負引君封以衡鄭注並讀爲窆周禮遂
人鄭司農注窆謂下棺時禮記謂之封春秋謂之塋皆
葬下棺也聲相似易繫辭傳不封不樹李氏集解引虞
翻曰封古窆字也說文土部塋喪葬下土也从土朋聲
春秋傳曰朝而塋禮謂之封周官謂之窆董道廣川書
跋曰元祐二年永城下得石如豐碑其上刻銘曰沛國
臨淮時窆石室永建六年鄭眾曰窆謂葬下棺也讀如
汜祭之汜左氏謂之塋檀弓謂之封昔人謂其聲同也

方以智通雅曰古泛亦通汎凡亦生風故泛駕造更字
音捧呂后傳曰自起泛孝惠卮徐廣音捧今欲別封則
轉聲爲塋可也王安石謂封爲復土閉瘞之名何用改
爲窆彼烏能識字乎

儀禮既夕注
今文窆爲封

有薦新如朔奠注重新物爲之殷奠 案釋名釋喪制朔
望祭曰殷奠所用殷眾也

衽每束一注衽今小要衽或作漆或作髹 案釋名釋喪
制旁際曰小要其要約小也又謂之衽衽任也任制際
會使不解也

柏椁以端長六尺注以端題湊也正義鄭注方相職云天

子椁柏黃腸爲裏而表以石焉釋文題頭也湊聚也

案漢書霍光傳光薨賜便房黃腸題湊各一具蘇林曰以柏木黃心致累棺外故曰黃腸木頭皆向內故曰題湊

爵弁經紵衣注服麻不加於采此言經衍字也時人間有弁經因云之耳 案白虎通崩薨引檀弓曰天子哭諸侯爵弁純衣班氏引無經字鄭謂經爲衍字是也古純與紵多通用

菽塗龍輶以椁正義曰菽叢也謂用木叢棺而四面塗之 案揚子太元云烏託巢於菽人寄命於公菽與叢同

蟠固不說齊衰而入見 案晉語昔少典娶於有蟠氏生黃帝炎帝黃帝以姬水成炎帝以姜水成賈逵注有蟠諸侯也王符潛夫論志氏姓魯之公族有蟠氏姬姓也子顯以致命於穆公注盧氏云古者名字相配顯當作羈案白虎通姓名篇聞名卽知其字聞字卽知其名若名賜字子貢名鯉字伯魚盧子幹謂名字相配是也說文羈本作羈顯卽羈之省文

謂爲俑者不仁注俑偶人也 案淮南子說山訓魯以偶人葬而孔子歎

男子西鄉婦人東鄉注夾羨道爲位釋文羨徐音賤音義

隱羨車道 案史記衛世家共伯入釐侯羨自殺索隱
曰羨音延墓道與經文葬及墓正合陸氏引音義隱謂
車道非也下公室視豐碑正義曰案春秋天子有隧以
羨道下棺

我喪也斯沾注斯盡也釋文斯音賜 案皇矣王赫斯怒
釋文引鄭康成音賜儀禮鄉飲酒禮斯禁釋文引劉昌
宗斯音賜

咏斯猶注猶當爲搖聲之誤也秦人猶搖聲相近 惠棟
曰爾雅云絲喜也郭璞曰詠斯猶猶絲也古今字耳
案史記吳世家子周絲立正義曰絲音遙又音由玉篇

遙又音弋周切音與猶近

舞斯愠愠斯戚釋文愠斯戚此喜愠哀樂相對本或於此
句上有舞斯愠一句並注皆衍文 案經文由喜而五
變迄舞由愠而五變迄踊文字截然整齊不當有舞斯
愠句正義謂鄭諸本亦有無舞斯愠一句者與陸氏所
見本合此三字當爲衍文

杜蕢自外來注杜蕢或作屠蒯正義曰春秋作屠蒯聲相
近 案漢書古今人表亦作屠蒯

集韻十一模杜姓也
音有杜蒯劉昌宗讀

屠
通作

杜蕢洗而揚觶注禮揚作賡揚舉也賡送也揚近得之

案燕禮升腍觶於賓鄭注腍送也讀或爲揚揚舉也

陳子車死於衛注齊大夫 案田陳古音同故知爲齊大

夫鄭注論語謂陳司敗爲齊大夫亦此意也

公室視豐碑注豐碑斲大木爲之形如石碑於槨前後四角樹穿中於間爲鹿盧下棺以綵繞天子六綵四碑前後各重鹿盧也 案釋名釋典藝碑被也此本葬時所設也施其輶輹以繩被其上引以下棺也又釋喪制縣下壙曰綵綵埒也徐徐埒下之也

曹桓公卒於會注魯成十三年曹伯廬卒於師是也廬謚宣言桓聲之誤也 案左傳及史記曹世家俱作宣公

桓宣二字並從亘說文二部本作𠂔从二从回回古文
回孫愐韻音烏緣切與宣音同通雅地輿云烏亘卽烏
桓

齊莊公襲莒於奪注春秋傳曰杞殖華還載甲夜入且於
之隧隧奪聲相近或爲兌 案廣韻十三末敝古奪字
說文敝強取也引周書敝攘矯虔今呂刑作奪宋虺機
班馬字類云趙世家龍兌地名在易州音奪樊鄴傳作
龍脫正義亦音奪又爾雅釋草活梵釋文字又作蒨徒
活反釋魚釋文鮓大活反音並與奪同奪兌亦聲相近
孺子贛之喪 案廣韻二十三魂贛他昆切魯公子名呂

覽去私云墨者有鉅子腹綽后秦高誘注綽讀曰車
之綽卽輶之異文

哀公欲設撥注撥可撥引輶車所謂紼 案釋名釋喪制
從前引之曰紼紼者發也發車使前也古發撥聲近通
用

請庚之注庚償也 案廣韻十二庚廣償也更償也史記

平準書悉巴蜀租賦不足以更之注更償也玉篇庚猶

更也

周禮司弓矢弗用則更注更償也管子國蓄篇愚者有不廣本之事尹知章注廣猶償也

葬於贏博之間 案漢書劉向傳諫起昌陵疏夫贏博去

吳千里季子不歸葬孔子往觀曰延陵季子於禮合矣

孟康曰隱蔽之財可見而已臣瓚曰謂人立可隱肘也
小顏以瓚說爲是

廣輪揜坎注輪從也 案從卽從橫之從大司徒注云東
西爲廣南北爲輪一切經音義引韓詩南北曰從東西
曰橫

子思之母死於衛注姓庶氏 案史游急就篇庶霸遂顏
師古注庶氏之先本出衛之公族以非正嫡遂號庶氏
禮記曰子思之母死於衛庶氏之女也及春秋邾庶其
來奔其後亦爲庶氏

是全要領以從先大夫於九京也注晉卿大夫之墓地在

九原京蓋字之誤當爲原 案晉語趙文子與叔向游於九京韋昭注京當爲原九原晉墓地後漢書鮑期傳更始將卓京章懷注京或爲原東觀漢記作原古京原字通

文子其中退然如不勝衣注退或爲妥 案易繫夫坤隤然示人簡矣釋文孟喜作退陸績董遇姚信作妥退妥聲相近

衣衰而繆經注衣當爲齋壞字也 案說文齋縗也从衣齊聲徐鍇繫傳曰禮齋縗字本從衣故爲衣壞字

王制

公侯田方百里伯七十里子男五十里注春秋變周之文從殷之質合伯子男以爲一則殷爵二等者公侯伯也案公羊桓十一年傳春秋伯子男一也何休解詁春秋改周之文從殷之質合伯子男爲一質家爵三等者法天之有三光也文家爵五等者法地之有五行也疏云質家以下春秋說文白虎通爵引含文嘉云殷爵三等周爵五等鄭此注亦本緯文

天子之二公之田視公侯

至

君十卿祿

案王符潛夫論

班祿云夏殷二國之政先聖籍田有制當此之時也九州之內合三千里爾八百國其班祿也以上農爲正始

於庶人在官者祿足以代耕蓋食九人諸侯下士亦然
中士倍下士食十八人上士倍中士食三十六人大夫
倍之食七十二人小國之卿二於大夫次國之卿三於
大夫大國之卿四於大夫食二百八十八人君各什其
卿天子三公侯采視公侯蓋方百里卿采視伯方七十
里大夫視子男方五十里元士視附庸方三十里案王
符此篇言夏殷二國之政與鄭氏言殷制合

春日祈注此蓋夏殷之祭名 案易萃卦孚乃利用禴釋
文引馬融云禴殷春祭名鄭以春祈爲殷制亦本馬君
非康成凡說也天保正義引禴禴志云王制記先王之

法度宗廟之祭春日禴周公制禮乃改夏爲禴

名山大澤不以封注與民同財不得掌管亦賦稅之而已
案白虎通封公侯篇名山大澤不以封者與百姓共
之不使一國獨專也

名山大澤不以盼注盼讀爲班 案聘禮盼肉及廋車鄭
注盼猶賦也釋文盼音班

連有帥 案白虎通封公侯作連有率古字通用

制三公一命卷注卷俗讀也其通則曰袞 案玉藻龍卷
以祭注龍卷畫龍於衣字或作袞釋名釋首飾袞卷也
畫卷龍於衣也字又作褰荀子富國篇天子袞褰衣冕

諸侯元袞衣楊注祿古朱字袞與袞同畫龍於衣謂
之袞

賜圭瓚然後爲鬯未賜圭瓚則資鬯於天子 案白虎通
引王制賜圭瓚然後爲暢未賜者資暢於天子古暢與
鬯通雜記上暢曰以柶正義暢謂鬱鬯也漢禮樂志注
鬯古暢字

天子曰辟廱注廱和也所以明和天下 案靈臺正義引
韓詩說言辟廱者取其廱和也是鄭注所本鄭氏先通
韓詩注禮時多據韓說未得毛傳故與箋詩不同

天子殺則下大綏諸侯殺則下小綏注綏當爲綏 案詩

韓□云淑旂綬章毛傳綬大綬也釋文綬本亦作綬車
攻毛傳云天子發抗大綬諸侯發抗小綬釋文綬本亦
作綬同說苑修文篇云天子殺則下大綬諸侯殺則下
小綬大夫殺則止佐舉佐舉止則百姓攸獵劉子政在
康成前字亦作綬足徵鄭君改字確有據依矣

雕題交趾注交趾足相鄉浴則同川臥則倅 案攷工記

玉人兩圭五寸有邸鄭注有邸倅其本也賈疏亦一玉
俱成兩圭尺相對爲倅也說文作舛對臥也从尺匕相
背玉篇倅同舛相背也白虎通禮樂引作雕跽交趾

西方曰狄鞮注今冀部有言狄鞮者 案漢書司馬相如

傳狄鞮之倡韋昭曰狄鞮地名在河內

卿大夫元士之適子 案白虎通辟雍引作嫡子

羸股肱注謂擯衣出其臂脛 案釋文擯依字作搏字林
云搏搏臂也先全反儀禮士虞禮鉤袒注如今擯衣也
廣韻二仙揎手發衣也搏同

假於鬼神時日卜筮以疑眾殺注今時持喪葬築蓋嫁取
卜數文書使民倍禮違制 案漢藝文志雜占形法諸
家則知漢時術數之學紛如矣鄭氏此注真有功世道
之言後之人拘畏多忌自蹈於倍禮違制亦見其惑也
已

七十致政 案白虎通致仕引王制曰七十致政鄉大夫
老有盛德者留賜之几杖不備之以筋力之禮在家者
三分其祿以一與之所以厚賢也

月令

其日甲乙注乙之言軋也 案說文乙象春草木冤曲而
出陰氣尙彊其出乙乙也釋名乙軋也自抽軋而出也
其祀戶注祀戶之禮南面設主於戶內之西 案正義謂
鄭據中霤禮蔡邕獨斷曰祀戶之禮南面設主於戶內
之西亦本中霤禮文

獺祭魚注此時魚肥美獺將食之先以祭也 案呂覽高

注獺獺水禽也取鯉魚置水邊四面陳之世謂之祭魚
鴻雁來注今月令鴻皆爲候正義日月令出有先後入禮
記者爲古不入禮記者爲今則呂氏春秋是也 案呂
氏春秋孟春紀作候雁北淮南時則訓同

以迎春於東郊注王居明堂禮曰出十五里迎歲 案此
篇鄭注又引王居明堂禮帶以弓韞禮之祿下其子必
得天材季春出疫於郊以攘春氣毋宿於國中秋九門
磔攘以發陳氣禦止疾疫仲秋農隙民畢入於室曰時
殺將至毋羅其災季秋除道致梁以利農也孟冬之月
命農畢積聚繫收牛馬季冬命國爲酒以合三族君子

說小人樂卽漢志禮家明堂陰陽之文也又伏生鴻範五行傳曰季春之月出疫於郊以禳春氣仲秋之月乃令民吹竽庶虺畢入於室曰時殺將至毋罹其菑季秋之月除道成梁以利農夫孟冬之月畢積聚繫牛馬收澤賦季冬之月命國爲酒以合三族君子說小人樂與王居明堂禮合伏生在秦時古逸禮猶未亡也

審端徑術注術周禮作遂 案學記術有序注術當爲遂聲之誤也水經注引作遂有序左傳文十二年秦伯使術來聘公羊及漢五行志並作遂定之方中釋文引鄭志云述讀如遂事不諫之遂

掩骼埋胔注骨枯曰骼肉腐曰胔 案呂覽作掩骼羶骸
注骸讀水物漬之漬白骨曰骼有肉曰骸說文骨部醜
字注引明堂月令掩骼種醜或从胔周禮蜡氏注引亦
作醜

首種不入注舊說首種謂稷 案淮南子時則訓注百穀
惟稷先種故曰首稼不入淮南注或謂許慎撰在鄭君
之先故云舊說

以大牢祠於高禴 案毛詩生民傳作郊禴呂覽注云媒
氏祭其神於郊謂之郊禴郊音與高相近故或言高禴
角斗甬注甬今斛也 案呂氏作斗桶說文桶木方斛也

木方受六斗从木甬聲廣雅桶甬也方斛謂之桶史記
商君傳平斗桶桶甬古通用

寢廟畢備 案呂氏畢作必同音假借攷工記玉人注必
讀如鹿車繹之繹玉篇秘古文作理

天子乃鮮羔開冰注鮮當爲獻聲之誤也 案呂覽鮮作
獻毛詩七月箋引月令亦作獻羔開冰爾雅釋山小山
別大山鮮公劉陟則在巘傳小山別於大山也鮮獻聲
相近

田鼠化爲鴛注鴛毋無正義曰鴛鴦毋爾雅釋鳥文舍人
云毋作無毋當作牟謂牟無也聲轉字異牟字作毋

案郊特牲毋追釋文音牟釋名作牟追古牟無通用說
文佳部鶩牟毋也从佳奴聲或从鶩

田獵置罟羅罔畢翳餽獸之藥毋出九門注翳射者所以
自隱也天子九門者路門也應門也雉門也庫門也皇
門也城門也近郊門也遠郊門也關門也今月令無罟
翳爲弋 案呂覽作田獵畢弋置罟羅網餽獸之藥淮
南作畢弋置罟羅罔餽毒之藥注餽啗之也九門與鄭
說同文選射雉賦徐爰注翳者所隱以射者也

戴勝降於桑注織紵之鳥 案呂覽作戴任淮南作戴雉
注皆謂戴勝聲轉字異實一物也

毋或不良 案呂覽淮南或作有毋有斬伐呂有作或其
有失時呂淮有作或鄭注論語曰或之言有也書洪範
無有作好無有作惡呂覽引並作無或

毋或作爲淫巧以蕩上心注今月令作爲爲詐僞 案呂
覽注一本作僞

其祀竈注祀竈之禮先席於門之東東面設主於竈陔
案蔡邕獨斷曰祀竈之禮在廟門外之東先席於門東
西東設主於竈陔也皆據中霤禮文與鄭氏合

命大尉贊桀俊正義曰蔡氏辯名記曰十人曰選倍選曰
俊萬人曰桀 案白虎通聖人引禮別名記曰十人曰

選百人曰俊萬人曰傑古辨別通用皆逸禮記文也正
義稱蔡氏者謂蔡邕作月令章句引用此文此疏前後
稱蔡氏甚多皆指蔡邕書也困學紀聞云春秋正義引
辨名記禮記正義引之以爲蔡氏似謂辨名記爲蔡氏
所作未免誤會文意矣

命司徒巡行縣鄙 案呂覽巡作循行下文順彼遠方呂
覽順作巡儀禮鄭注古文循作順

天子飲酎注酎之言醇也謂重釀之酒也春酒至此始成
案呂覽注酎春醢也左傳襄二十二年見於嘗酎與
執燔焉杜注酒之新熟重者爲酎嘗新飲酒爲嘗酎說

文西部酌三重醇酒也从酉从時省明堂月令曰孟秋
天子飲酎

大雩帝注雩吁嗟求雨之祭也 案祭法雩宗注雩之言
吁嗟也爾雅釋訓舞號雩也郭注雩之祭舞者吁嗟而
請雨周禮女巫疏引鄭答臨碩難云董仲舒曰雩求雨
之祭吁嗟之歌是鄭注本於董生也

處必掩身毋躁注今月令毋躁爲欲靜 案呂覽作身欲
靜以身屬下讀

百官靜事毋刑注今月令刑爲徑 案淮南時則訓作徑
可以升山陵 案呂覽淮南升作登古字通用後文登龜

呂覽作升農乃登麥農乃登穀呂覽並作升

命漁師伐蛟注今月令漁師爲榜人 案說文舟部舫字

注引明堂月令曰舫人習水者漢書司馬相如傳榜人
歌張揖注引月令命榜人卽鄭所謂今月令也下文命
澤人納材葦淮南作令滂人掌池澤官

其祀中霤注中霤中室也祀中霤之禮設主於牖下 案
蔡邕獨斷霤神在室祀中霤設主於牖下也皆據中霤
禮文

其祀門注祀門之禮北面設主於門左樞 案蔡邕獨斷
云祀門之禮北面設主於門左樞與鄭據中霤禮同

審斷決獄訟必端平 案呂覽以斷屬下讀決獄訟爲句

角斗桶 案呂覽作角升桶文選新刻漏銘亦作角升桶
戰國策王斗漢古今人表作王升古文斗作升故二字
往往相亂漢祝睦後碑佐輔升樞卽斗樞也

鴻雁來賓注來賓言其容止未去也 案呂覽以賓字屬
下讀注賓爵老爵也棲宿入於堂宇之間有似賓客也
命百官貴賤無不務內注內謂收斂入之也 案呂覽淮
南內作入說文內入也从口白外而入也

爲來歲受朔日注秦以建亥之月爲歲首 案呂覽高注
來歲明年也秦以十月爲正故於是月受明年祿日也

與鄭說合則月令爲秦制也或問仲夏班馬政呂作正
季秋班馬政呂作獫馬呂覽皆避始皇諱月令何以不
避余曰是記禮家改之

載旌旒 案淮南載作戴毛詩絲衣箋載猶戴也春秋戴
國釋文作載古字通用

天子乃厲飾執弓挾矢以獵注今月令獵爲射 案呂覽
獵作射

其祀行注行爲廟門外之西爲較壤厚二寸廣五尺輪四
尺祀行之禮北面設主於較上 案毛詩泉水箋鄭注
說祀行之禮與此文同正義謂鄭依中霤之禮蔡邕獨

斷云行在廟門外之西轍壤厚二寸廣五尺輪四尺北面設主於轍上亦與鄭說同又淮南行作井注或作行行門內地白虎通五祀引月令云其祀井冬祭井井者水之生藏任地中冬亦水王萬物伏藏

乘元路注今月令曰乘軫路似當爲軫字之誤也 案士冠禮注古文軫爲均服虔注左傳以均服爲黑色是與元同色也正義云軫是元色元軫義同

命太史釁龜筮注今月令曰釁祠祠衍字 案呂覽作禱祠龜策

慎管籥 案呂覽管作關周有管叔墨子耕柱篇作關叔

古關管通用

固封疆注今月令疆或爲璽 案呂覽作璽注璽印封也

淮南作封璽

功有不當 案呂覽功作工周禮肆師鄭注古者工與功

同字

湛熾必絜 案呂覽作湛饒必潔注饒讀熾火之熾淮南

作湛燔注燔音熾

水泉咸竭 案呂覽作滅左傳咸黜不端正義曰諸本或

作滅史記司馬相如傳上滅五韋昭說作咸

水澤腹堅注今月令無堅 案呂覽作水澤復注復亦盛

也復或作複棟重也

曾子問

凡告用牲幣注牲當爲制字之誤也制幣一丈八尺案
聘禮注引朝貢禮純四只制丈八尺內宰注引天子巡
守禮制幣丈八尺純四袂鄭據此文

唯天子稱天以諫之注以其無尊焉春秋公羊說以爲讀
諫制諡於南郊若云受之於天然案白虎通諡篇云
曾子問孔子曰天子崩臣下之南郊告諡之諸侯薨世
子赴告天子天子遣大夫會其葬而諡之何幼不諫長
賤不諫貴諸侯相諫非禮也又引禮曾子問曰唯天子

稱天以諫之唯者獨也明天子獨於南郊耳太平御覽
五百六十二卷引釋名古者諸侯薨天子論行以賜諡
惟王者無上故於南郊稱天以諡之

不綏祭注綏周禮作墮 案周禮守桃既祭則藏其隋鄭
注隋尸所祭肺脊黍稷之屬士虞禮不綏祭鄭注綏當
爲墮

葬引至於塋注塋道也 案既夕禮唯君命止柩於塋鄭
注亦云塋道也

不知其已之遲數注數讀爲速 案樂記注亦云趨數讀
爲促速聲之誤也史記賈生傳淹數之度兮徐廣曰數

速也

金革之事無辟也者 案白虎通喪服辟作避

禮記釋注卷二

淮安山陽丁晏學

文王世子

古者謂年齡齒亦齡也 案釋文作聆云本或作齡九經攷異云九齡石經作矜廣韻十五青矜字注引玉篇年也又假借作齡零漢樊毅修華嶽碑垂曜童齡繁陽令楊君碑俾延僖齡隸釋並云以齡爲齡又斥彰田君碑永載萬零隸釋云以零爲齡說文無齡字廣雅齡年也故學之爲父子焉注學教 案說文教部敦覺悟也从教从口口尙矇也口聲篆文省作學

終之以仁也注州里驥於邑釋文驥皇音冀冀及也本又作愷又作駿亦作驥正義曰孝經援神契文謂希驥仰慕行之於邑也 案魯相韓勅造孔廟禮器碑自天王以下至於初學莫不驥思歎仰

禮運

而有志焉注志謂識古文 案論語賢者識其大者蔡邕石經識作志周禮保章氏云志古文識

賁浮而土鼓注賁讀爲𡵓聲之誤也𡵓壩也 案說文土部𡵓壩也从土口口屈象形或从塊壩𡵓也从土畠聲集韻𡵓或作墳廣韻十六怪墳俗作土塊

以爲醴酪注酪酢載 案雜記下食鹽酪可也鄭注酪酢
載周禮酒正三曰漿鄭注漿今之載漿也釋文載昨再
反賈疏此漿亦是酒類故其字亦从載从酉省載之言
載米汁相載漢時名爲載漿說文酉部載酢漿也从酉
戈聲陳澧此注訓酪爲醋雜記注又訓爲乳漿誤爲酥
酪之酪其謬甚矣

桑醴在堂注桑讀爲齊聲之誤也 案酒正五齊杜子春
讀齊皆爲桑士虞明齊漉酒注今文曰明桑古齊桑通
說文案本作齋稷也或从桑

與其越席疏布以幕注越席翦蒲也 案廣韻十三末越

翦蒲爲席或作超

大夫死宗廟謂之變注變當爲辯聲之誤也 案坤文言

由辯之不早辯也釋文稱荀爽作變古變辯通用

故聖人耐以天下爲一家注耐古能字傳書世異古字時
有存者則亦有今誤矣 案樂記注耐古書能字也後
世變之此獨存焉古以能爲三台字周禮大宗伯正義
古者以耐字爲今之能字能字爲三台之字後世以來
廢古耐字以三台之能替耐字之變而爲能也又更作
三台之字又小雅各奏爾能釋文徐奴代反大雅柔遠
能通釋文鄭奴代反穀梁成七年傳非人之所能也釋

文本亦作耐左傳襄二十一年樂盈爲公族大夫而不
相能釋文徐音乃代反漸漸之石筴豕之性能水釋文
能奴代反本又作耐檀弓注凡棺因能濕之物釋文能
乃代反北堂書鈔三公引春秋元命包云能之爲言耐
也注能古之台字也耐今之能字也漢書高帝紀耐以
上請之應劭曰耐音若能鼃錯傳其性能寒其性能暑
趙充國傳漢馬不能冬西域傳不耐飢渴師古並云能
讀曰耐

迭相竭也注竭猶負載也 案說文立部竭負舉也从立
曷聲廣韻十七薛竭舉也

故魚鮪不淦注淦之言閃也 案廣韻四十七寢淦式任切淦潤水動貌說文水部淦濁也从水念聲一切經音義引埤蒼淦水無波也集韻淦或作淦文選射雉賦意淦躍以振踊徐爰注淦躍踊逸也李善音淦失冉反聲與閃同

風以爲畜故鳥不獮麟以爲畜故獸不狘注獮狘飛走之貌也 案釋文作喬周禮大司樂注引亦作喬玉篇喬飛貌集韻獮驚遽貌說文犬部新附狘獸走貌从犬戊聲廣韻十月狘走貌文選江賦鼓翅翻翮李善注翮與獮同

協諸義而協注不乖刺 案宋王楙野客叢書云乖刺者
乖戾也如東方朔謂吾強乖刺而無當杜欽傳陛下無
乖刺之心是也

天子以德爲車注車或爲居 案劉熙釋名車古者曰居
聲如居言行所以居人也今日車聲近舍召南釋文引
韋昭辨釋名車古音尺奢反後漢以來始有居音晏
謂毛詩車皆讀如居韋說非也

禮器

𡗗不匡懼注匡猶恐也 案釋文作𡗗音匡說文心部𡗗
怯也从心匡匡亦聲

燔柴於奧注奧當爲爨字之誤也或作竈 案應劭風俗
通引禮器記曰燔柴於竈竈者老婦之祭也正義曰案
異義竈神今禮戴說引此燔柴盆瓶之事太平御覽五
百二十九卷引異義禮器云竈者老婦之祭故鄭云或
作竈

故魯人將有事於上帝必先有事於禴宮注禴郊之學也
字或爲郊宮 案公羊注魯人將有事於天必先有事
於泮宮釋文泮本又作郊

溫之至也注皆爲溫藉重禮也 案內則注柔色以溫之
注溫藉也小宛飲酒溫克箋云猶能溫藉自持以勝釋

文溫鄭於運反蘊藉也蘊本从溫說文艸部蘊積也从艸溫聲廣韻二十三問蘊俗作蘊漢書酷吏義縱傳云少溫藉

而蘊藉之設注穗去實曰藉禹貢三百里納藉服案今禹貢作結釋文馬云去其穎曰藉鄭氏所引與馬融本同皆古文書也

因吉土以饗帝於郊注今漢亦四時迎氣案續漢書祭祀志有四時迎氣禮

勿勿乎其欲其饗之也注勿勿猶勉勉也案祭義注亦云勿勿猶勉勉也勉與勿古字通用谷風云黽勉同心

文選求加贈劉前軍表注引韓詩作密勿漢書劉向傳
引詩密勿從事今小雅作黽勉大戴禮曾子立事篇君
子終身守此勿勿也盧辯注亦云勿勿猶勉勉也
郊特性

三獻之介君專席而酢焉注賓爲苟敬 案燕禮記賓爲
苟敬鄭注苟且也假也言苟敬者賓實主國所宜敬也
不嘽嘽似若尊者然也今正義本亦引燕禮記誤作算
敬明葛肅注本作苟敬是衛氏集說及汲古閣本作算
敬非

而食嘗無樂 方氏慤曰重言而食嘗無樂五字蓋衍文

晏案正義曰而食嘗無樂重結之也舉食嘗無樂亦應重結饗禘有樂不言者略可知也是唐人本有此五字方說失之

所以交於旦明之義也注旦當爲神篆字之誤也 案集韻神古作禋郭忠恕汗簡古尙書作禋金石文字記北嶽神廟碑亦作禋字从旦故誤爲旦莊子大宗師有旦宅而無情死釋文引王云是神居也

朱干設錫注錫傳其背如龜也正義謂用金琢傳其盾背盾背外高龜背亦外高故云如龜也蓋見漢禮然也

案廣韻十陽錫兵名孔疏云見漢禮卽漢禮器制度叔

孫通所撰也

臺門而旅樹反玷注禮天子外屏諸侯內屏大夫以簾士以帷正義禮緯文 案公羊莊三十一年傳何休解詁禮天子外屏諸侯內屏大夫帷士簾所以防泄慢之漸也荀子大略篇天子外屏諸侯內屏禮也外屏不欲見外也內屏不欲見內也

繡黼丹朱中衣注繡讀爲綃綃繪名也詩云素衣朱綃正義曰案注昏禮引詩云素衣朱綃魯詩亦以爲綃綃綺屬 案特性饋食禮宵衣注宵綺屬也此衣染之以黑其綃本名曰綃詩有素衣朱宵詩揚之水毛傳繡黼丹

朱中衣箋云繡當爲綃綃黼丹朱中衣中衣以綃黼爲
領丹朱爲純箋亦據魯詩說也古繡宵綃聲相近蕭箋
皆从肅聲故鄭讀繡爲綃

鄉人楊注楊或爲獻或爲儼 案論語鄉人儼釋文魯讀
爲獻古獻字音素何反與儼聲相近說文鬼部魍見鬼
驚書从鬼難省聲讀若詩受福不儼

而流示之禽而鹽諸利注鹽讀爲艷行田示之以禽使歆
艷之觀其用命不也 惠棟曰案古樂府有昔昔鹽三
婦鹽亦作艷古字通晏案內則以灑諸上而鹽之釋文
鹽音艷廣韻五十五豔有鹽字

恆豆之菹 案毛詩既醉傳作恆豆之俎

丹漆雕幾之美注幾謂漆飾沂鄂也釋文沂魚巾反正義
日以丹漆雕飾之以爲沂鄂幾與畿字相涉畿是畿限
之所故以畿爲沂鄂也 案少儀國家靡敝則車不雕
幾注幾附纏爲沂鄂也哀公問車不雕幾注幾附纏之
之也正義曰幾謂沂鄂也典瑞瑑圭鄭司農云瑑有沂
鄂瑑起轉人良轉環潛先鄭注謂漆沂鄂如環周禮禮
記釋文沂皆音魚巾反與垠音同文選七發注引說文
圻地圻墦也今本說文垠地垠也或从圻脫去墦字釋
元應申曰經音義引說文云地垠岸也劉熙釋名釋形

體額鄂也有垠鄂也西京賦注引淮南子許慎注垠鏐
端厓也

毋追 案釋名釋首飾牟追牟冒也言其形冒髮追追然
也古毋牟通用

周弁殷冏夏收 案毛詩弁作冕文王故訓傳冏殷冠也
夏后氏曰收周曰冕說文兒部弁作覓冕也周曰覓殷
曰冏夏曰收从兒象形論語冕衣裳者鄭本作弁魯讀
弁爲冕

三王共皮弁素積 案白虎通三軍引作素纘

血脰燭祭注燭或爲脰 案上文三獻燭釋文本亦作脰

夕康反下文腥肆燭臚祭注燭或爲臚祭義燭祭祭腥
注或爲合祭腥泄臚熟也說文炎部燄於湯中燭肉从
炎从熱省或从燄廣韻二十四鹽燄燄燭燭並同徐鹽
切二十六緝臚直立切肉半生半熟義與燭同廣雅臚
燭也儀禮有司徹乃燄尸俎注古文燄皆作尋記或作
燄疏引郊特性此注云燭或爲燄與今注本不同古燄
燭亦通用

釋元應大智度論音義引聲類燄燄
二形字詁古文燄燄二形今作燄同

然後炳蕭合羶薌注羶當爲馨聲之誤也 案祭義燄燄
羶薌鄭注羶當爲馨聲之誤也

取腓腎燄燄注腓腎腸間脂也 案說文腓本作臂从肉

率聲牒牛腸脂也从肉寮聲詩曰取其血牒或作膾从勞省聲

腥肆爛臠祭注臠孰也 案廣韻四十七寢臠如甚切味好廣雅臠美也聘禮記賜饗唯羹飪注古文飪作臠說文飪大熟也古文作肝或作恁

汁獻浼於醖酒注謂沛柜鬯以醖酒也獻當讀爲莎齊語聲之誤也柜鬯者中有煮鬱和以盎齊摩莎沛之出其香汁因謂之汁莎 案司尊彝鬱齊獻酌鄭司農云獻讀爲儀後鄭注獻讀爲摩莎之莎齊語聲之誤也煮鬱和柜鬯以醖酒摩莎沛之出其香汁也又朝踐用兩獻

尊先鄭注獻讀爲犧釋文犧素何反明堂位周獻豆正義曰獻音娑釋名釋姿容摩娑猶末殺也手上下之言也儀禮大射儀兩壺獻酒注獻讀爲沙沙酒濁特涉之必摩沙者也兩壺皆沙酒釋文獻素何反猶明清與醖酒於舊醕之酒也注澤讀爲醕舊醕之酒謂昔酒也案酒正昔酒鄭注昔酒今之曾久白酒所謂舊醕者也賈疏引郊特牲於舊醕之酒也司尊彝注亦引猶明清於醖酒於舊醕之酒也俱不从澤說文曾釋酒也釋名釋飲食云醕酒久釀酉醕也與鄭說合內則

左佩紛帨注紛帨拭物之佩巾也案釋文紛或作帨同

玉篇帨拭物巾也說文巾部帨楚謂大巾曰帨从巾分聲帥佩巾也从巾𠂔或从𠂔

疾痛苛癢而敬抑搔之注苛疥也抑按搔摩也 案爾雅釋言苛姢也郭注煩苛者多疾姢方言𪚩苛怒也小怒曰𪚩陳謂之苛釋名疥𪚩也癢搔之齒𪚩𪚩也漢書藝文志黃帝岐伯按摩十卷孟子爲長者折枝趙岐章指曰折枝案摩折手節解罷枝也

免薨注免新生者薨乾也 案廣韻二十三問菟亡運切新生艸也食醫注引內則作婉槁釋文婉音問賈疏引鄭此注婉新生者槁乾也

敦牟卮匱注牟讀曰莖也 案釋文齊人呼土釜曰牟既
夕禮兩敦兩杆鄭注杆盛湯漿今文杆爲梓釋文梓音
牟續漢書禮儀志下卮八牟八劉昭引鄭注旣夕云牟
盛湯漿古牟莖通用以偏旁攷之若牟通作葵牟通作
莖之類可證也

睇視注易曰明夷睇於左股 案今易作夷子夏陸續作
睇與鄭本合古夷弟篆文相似多假借通用詳見周易
解故

焯潘請醕注潘米瀾也 案說文火部焯火熱也从火覃
聲水部潘浙米汁也从水番聲瀾潘也从水瀾聲

奠之而后取之注奠停地也 案攷工記匠人凡行奠水
鄭司農云奠讀爲停釋名奠停也

佩悅苙蘭 案釋文苙本又作苙說文艸部苙臨也从艸
臣聲楚謂之薤晉謂之薤齊謂之苙廣韻六止苙香草
漢書夏侯嬰傳戰於藍田苙陽史記作苙陽荀子禮論
篇側載舉苙史記禮書作臭苙古苙苙通用

稭稭注孰稭曰稭生稭曰稭 案廣韻八語稭私呂切熟
稭說文稭作稭早取穀也从米焦聲一作稭大招有稭
麥王逸云擇麥中先孰者也古焦爵同音通用

稻醴清糟黍醴清糟梁醴清糟 案酒正注先鄭引內則

飲重醴稻醴清蒲黍醴清蒲梁醴清蒲糟音聲與蒲相似釋文蒲音糟廣韻六豪糟蒲同

漿注酢藏 案衛氏集說作藏是毛本作藏訛酒正鄭注漿今之載漿案說文酉部載酢漿也从酉戈聲

醴注梅漿釋文醴本又作臙 案酒正注先鄭引作臙醫與臙亦相似文字不同記者之各異耳此皆一物與後鄭注不同

濫注以諸和水也以周禮六飲校之則濫涼也紀莒之間名諸爲濫 案釋文乾桃乾梅皆曰諸釋名釋飲食桃濫水漬而藏之其味濫濫然酢是諸濫同名也集韻濫

魯敢切與澆同漬果也又漿人六飲涼先鄭注涼以水和酒也後鄭注涼今寒鬻若糗飯雜水也賈疏內則名涼爲溫膳夫先鄭注六飲涼作醪釋文醪本又作涼說文酉部醪雜味也从酉京聲故鄭謂糗飯雜水廣雅醪漿也

糗餌粉醕注此醕當爲飭以稻米與狼臠膏爲飭是也

案後文以與稻米爲醕鄭注則似今膏展矣此周禮醕食也此醕當從飭釋文展本又作饗又作展醕人羞豆之食醕食後鄭注醕饗也引內則以與稻米爲饗集韻展展同饗荀子禮論篇酒醕飭鬻與饗粥同

卵醬實蓼注卵讀爲鯢鯢魚子或作𩺰 案釋魚云鯢魚
子詩齊風正義引爾雅作鯢說文鯢从魚果聲李陽冰
曰當从𩺰省𩺰卽昆弟字鯢與鯢同鯢𩺰聲相近故或
作𩺰張參五經文字𠂔部𠂔古患反說文以爲古卵字
九經字樣𠂔卵上說文下隸變今說文卵部脫𠂔音與
𩺰近𠂔从𠂔聲卽古文卵關从𠂔聲𩺰从關聲孳乳而
生故卵之字一作𩺰也古卵字讀如管管關亦通釋文
𩺰本又作𩺰𩺰鯢亦聲近之誤

桃諸梅諸 案釋名釋飲食桃諸藏桃也諸儲也藏以爲
儲待給冬月用之也

夏宜膳膳膏腴注犬膏腴 案說文腴豕膏臭也从肉
臬聲周禮庖人先鄭注亦謂豕膏鄭謂犬膏本杜子春
說

秋宜犢麋膳膏腥注雞膏腥 案說文腴犬膏臭也从肉
生聲庖人注杜子春云膏腥豕膏也鄭謂雞膏與干寶
注同

麋鹿田豕麋皆有軒注軒讀爲憲憲謂藿葉切也 案樂
記武坐致右憲左鄭注意讀爲軒聲之誤也毛詩六月
以憲與軒閑言協揚雄河東賦麋城擗邑李奇曰擗音
車幪之幪

植毛本作根誤注楂梨之不臧者 案楂當作楮說文楮果似梨而酢从木盧聲釋文作粗

膏用薤釋文作薤云俗本多作薤非也 案陸說是也釋草勤山薤說文韭部薤菜也葉似韭从韭薤聲廣韻十六怪薤葷菜似韭薤俗

三牲用藪注藪煎菜萁也漢律會稽獻焉爾雅謂之楸案爾雅釋木菜楸醜菜郭注菜萁子聚生成房貌今江東亦呼菜菜楸似菜萁而小赤色詩疏引李巡曰楸菜萁也釋文菜音焦本今作楸說文艸部菜萁屬菜菜从艸未聲木部楸似菜萁出淮南从木殺聲

牛夜鳴則庖注庖惡臭也 案說文广部庖久屋朽木从
广西聲周禮曰牛夜鳴則庖臭如朽木鄭司農云庖朽
木臭也

鳥鵲色而沙鳴鬱注沙猶嘶也 案內饗鬱作糴釋文糴
音鬱廣韻四十禡沙所嫁切引周禮注沙嘶也

豕望視而交睫腥注腥當爲星聲之誤也星肉中如米者
案內饗作盲眊杜子春云當爲望視說文腥星見食
豕令肉中生小息肉也从肉星是亦聲

馬黑脊而般臂漏注漏當爲蠖如蠖蛄臭也 案內饗作
蠖鄭司農云蠖蠖蛄臭也

鴝臯注脾臍也正義臯謂脾臍謂藏之深奧處 案釋名

釋飲食臠臯也藏肉於臯內稍出用之也

麋鹿魚爲菹注今益州有鹿痿者正義今益州人有將鹿
肉畜之痿爛謂之鹿痿 案廣韻五寘痿於僞切益州
有鹿痿又五支痿於爲切鹿肉

兔爲宛脾注宛或作鬱 案古宛鬱通史記倉公傳寒溫
氣宛又宛篤不發並讀如鬱攷工記函人注窻讀爲宛
彼北林之宛今詩宛作鬱

大夫七十而有閣注閣以板爲之庋食物也 案廣雅閣
庋廚也玉篇庋閣也集韻庋閣藏食物

三王有乞言注有讀爲又 案衛氏集說本鄭注有此四字毛本無釋文云三王有音又出注則注本有此文刊本脫也古又有通詩長發箋有之言又也鄉射禮注古文有作又易繫辭又以尙賢也釋文引鄭本作有

取牛羊麋鹿膾之肉必臠注臠脊側肉也 案集韻臠或

作膍易咸其膍子夏傳在脊曰膍虞翻曰膍夾脊肉也

小切狼臠膏以與稻米爲醢注則似今膏臠矣 案攷工

記玉人後鄭注瓚讀爲饗履之履賈疏醢人職有饗食

漢時有膏臠說文食部饗以羹澆飯也从食贊聲釋名

釋飲食肺臠臠饗也以米糝之如膏饗也膏饗卽鄭所

謂膏展也玉篇展古文饋字集韻饋以膏煎稻爲醅也
古作展廣韻二十八翰展食也則肝切

接以太牢注接讀爲捷捷勝也 惠棟曰接與捷通故訓

爲捷鄭氏周易晉卦云晝日三接注云接勝也是讀爲
捷春秋經云宋萬弑其君捷賈逵云公羊穀梁曰接晏
案荀子大略篇先事慮事謂之接楊注接讀爲捷左傳
桓六年接以太牢釋文接鄭注禮記作捷讀此者亦或
捷音

詩負之注詩之言承也正義詩緯含神霧云詩者持也以
手維持則承奉之義 案特性饋食禮詩懷之鄭注詩

猶承也

宰醴負子注醴當爲禮聲之誤也 案士冠禮請醴賓鄭

注此醴當作禮士昏禮出請醴賓鄭注此醴亦當爲禮
又賓入授如初禮鄭注古文禮爲醴昏義贊醴婦鄭注
當作禮聲之誤也醴禮形聲俱近

子師辯告諸父諸母名 案辯卽徧也鄉飲酒禮注今文
辯皆作徧

咳而名之 案釋文作孩云字又作咳孝經疏亦引作孩
說文口部咳小兒笑也从口亥聲古文从孩史記扁鵲
傳曾不可以告咳嬰之兒終日孟子孩提之童趙岐章

指知孩笑可提抱者也漢淳于長夏承碑咳孤憤泣隸
釋云以咳爲孩

不以隱疾注諱衣中之疾難爲醫也 案曲禮注引俗語
云隱疾難爲醫

旬而見注旬當爲均聲之誤也 案易豐初九雖旬无咎
王弼注旬均也釋文引荀爽本作均周禮均人注旬均
也易坤爲均今書亦有作旬者古旬均通用

九年教之數日注朔望與六甲也 案漢書食貨志八歲
入小學學六甲五方書計之事

組紉注紉條 案雜記注紉施諸縫中者若今時條也說

文紉圓采也从糸川聲急就篇履舄鞞衰絨緞紉顏注緣履之圓條也

玉藻

諸侯元端以祭注端亦當爲冕字之誤也 案上文元端而朝日於東門之外注端當爲冕字之誤也大戴禮諸侯遷廟禮盧辯注引玉藻曰元端以祭裨冕以朝孫炎云端當爲冕元冕祭服之下也其祭先君亦裨冕矣是孫注亦與鄭同

凡有血氣之類弗身踐也注踐當爲翦聲之誤也翦猶殺也 案古踐翦通書序遂踐奄詩正義引鄭注踐讀曰

翦翦滅也周禮甸師注先鄭引文王世子公族無宮刑
不踐其類也釋文踐音翦今記文作翦漢書文帝紀注
引伏儼曰踐翦也

君羔幣虎植注植讀皆如直道而行之直直謂緣也 案
詩柏舟云實維我特釋文韓詩作直少儀云喪俟事不
植弔釋文植本又作特洪氏隸釋繁陽令楊君碑以植
爲特集韻植緣也或作植

天子搢珽方正於天下也注珽之言珽然無所屈也或謂
之大圭長三尺杼上終葵首終葵首者於杼上又廣其
首方如椎頭是謂無所屈後則恆直相玉書曰珽玉六

寸明自炤 案攷工記玉人大圭長三尺杼上終葵首
天子服之鄭注或謂之珽荀子大略篇天子御珽諸侯
御茶大夫服笏禮也楊注大圭長三尺杼上終葵首謂
剡上至其首而方也茶古舒字玉之上圓下方者也說
文玉部珽大圭長三尺杼上終葵首从王廷聲木部椎
齊謂之終葵太平御覽六百九十二引五經要義天子
笏曰珽珽直無所詘也又釋文珽本又作珽音呈離騷
王逸章句引相玉書言珽大六寸其曜自照玉人鄭注
亦引相玉書與此注同 玉篇王部珽美玉也理六寸光自輝
諸侯茶前詘後直讓於天子也注茶讀爲舒遲之舒 惠

棟曰弓人寬緩以茶注茶古文舒假借字先鄭云茶讀爲舒晏案史記建元以來侯者年表荆茶是懲索隱曰茶音舒

爲已係卑 案釋文作僕厭也唐石經避世字諱改作係緇布冠續綏注續或作繪綏或作蕤 案論語繪事後素考工記先鄭注引作績事尙書益稷作會釋文馬鄭作繪周禮司服注引書作績古績繪通雜記注綏讀蕤賓之蕤

唯君有黼裘以誓省注黼裘以羔與狐白雜爲黼文也省當爲獮獮秋田也 案明堂位秋省注省讀爲獮獮秋

田名也周禮司裘仲秋獻良裘後鄭注玉藻所謂黼裘
賈疏案彼文唯君有黼裘以誓獮獮是仲秋田獵之名
與此獻良裘同時言黼裘者白與黑謂之黼謂狐白與
黑羔合爲黼文初學記服色部裘類引五經要義曰諸
侯黼裘以誓田雜羔狐爲黼文也與鄭氏改省爲獮合
舊唐志五經要義五卷劉向撰是康成遠宗子政由來
古矣嚴陵方氏長樂陳氏讀省爲如字失之

天子素帶朱裏終辟而素帶終辟大夫素帶辟垂士練帶
率下辟居士錦帶弟子緇帶并紐約用組注此白而素
帶亂脫在是耳宜承朱裏終辟三寸長齊於帶紳長制

士三尺有司二尺有五寸子游曰參分帶下紳居一焉
紳譚結三齊注此又亂脫在是宜承約用組大夫大帶
四寸雜帶君朱綠大夫元華士緇辟二寸再繅四寸凡
帶有率無箴功注此又亂脫在是宜承紳譚結三齊肆
束及帶勤者有事則收之走則擁之注此亦亂脫在是
宜承無箴功王后褱衣夫人掄狄君命屈狄再命褱衣
一命褱衣士祿衣唯世婦命於奠醢其他則皆從男子
注自君命屈狄至此亦亂脫在是宜承夫人掄狄 案
以上據鄭注釐次經文如此陳澧集說卽據以改訂記
文而不言本於鄭氏若記文原次本如是者疎忽甚矣

且鄭注移而素帶以下迄走則擁之於朱裏終辟之後
下接王后祿衣云云注文甚明陳氏誤會鄭意反將天
子素帶一節移於而素帶之前又以韠君朱一節一命
纁韍一節間廁其間殊乖鄭氏之旨鄭注而素帶終辟
謂諸侯也陳氏據鄭說卽將素帶上增諸侯二字尤爲
庸妄韠韍二節本在天子素帶上

大夫素帶辟垂士練帶率下辟注率緯也士以下皆禪不
合而緯積如今作幪頭爲之辟讀如裨冕之裨裨謂以
緇采飾其側 案方言絡頭帕頭也紗縠鬢帶髮帶帑
幪幪頭也釋名釋首飾綃頭或謂之陌頭齊人謂之幪

儀禮喪服注又作慘頭又曾子問大祝裨冕正義言裨者取其績繡古辟裨聲近通用以偏旁攷之若睥睨一作辟倪又作俾倪也 又案正義綽謂緼緼也左傳桓二二年藻率鞞鞞張平子東京賦藻率鞞鞞以綽與鞞厲連文義當如帶率之率杜預合藻率爲一謂所以藉玉失之

一命緼鞞幽衡再命赤鞞幽衡三命赤鞞葱衡注幽讀爲黝黑謂之黝青謂之葱 案黑謂之黝二語爾雅釋器文周禮守祧則守祧黝堊之鄭司農云黝讀爲幽幽黑也牧人陰祀用黝牲鄭司農云黝讀爲幽幽黑色也隰

桑云其葉有幽毛傳幽黑色也古幽黝通毛詩候人傳
一命緼芾黝珩再命赤芾黝珩三命赤芾葱珩鄭讀幽
爲黝本於毛公故訓也芾韍珩衡古通用

王后褱衣夫人揄狄注褱讀如輦揄讀如搖輦搖皆翟雉
名也刻繒而畫之著於衣以爲飾因以爲名也後世作
字異耳 案內司服褱衣揄狄後鄭注狄當爲翟翟雉
名伊雒而南素質五色皆備成章曰輦江淮而南青質
五色皆備成章曰搖褱衣畫輦者揄翟畫搖者釋名釋
衣服王后之上服曰褱衣畫輦雉之文於衣也伊洛而
南雉素質五色皆備成章曰輦搖翟畫鷩雉之文於衣

也江淮而南青質五色皆備成章曰鷩與鄭說同廣韻
四宵禴餘昭切禴狄后衣亦作掄說文衣部禴翟羽飾
衣从衣俞聲鄘風其之翟也傳禴翟闕狄羽飾衣毛公
許君在鄭之前亦與鄭合也古掄搖聲近通用漢書黥
布傳掄讀曰遙陳湯傳掄讀曰搖可證也

故君子在車則聞鸞和之聲注鸞在衡和在式正義曰韓
詩外傳文 案經解注引韓詩內傳鸞在衡和在軾前
此作外傳非也續漢書輿服志引魯訓曰和設式者也
鸞設衡者也是魯詩亦與韓詩同大戴禮保傳篇在衡
爲鸞在式爲和大馭賈疏又引毛詩鸞在衡今蓼蕭毛

傳在鑣曰鸞與韓魯不同賈氏誤也

士佩璫玼而繼組綬 案白虎通衣裳作士佩璫玼石

肆束及帶注肆讀爲肆肆餘也 案小宗伯鄭注故書肆

作肆

膳於君有葷桃茆注茆茆芡也葷或作焄 案釋文茆郭

璞云烏菰也取其毛爲帚檀弓注茆萑茆可埽不祥釋

文鄭注周禮云苕帚周禮喪祝先鄭注作桃厲釋文厲

音列記作茆黍苞穰也賈疏茆芡也所以埽不祥左傳

襄二十九年桃茆杜注茆黍穰正義曰今世所謂苕帚

者或用蘆穗或用黍穰是二者皆得爲之也說文梨黍

穰也穰黍稷已治者又正義曰桃桃枝也左傳疏蒚是
蒚蓋桃爲棒也與此疏小異鄉黨釋文云君本作或葦
同

而手足毋移注移之言靡匝也正義靡匝搖動也 案釋
文作靡迤說文迤邪行也逶迤邪去兒通雅云古靡如
微微字中原讀如禕則靡匝亦逶迤之聲也

端行頤雷如矢注頤或爲逶也 案釋文逶音夷徐音追
廣韻六脂逶雷也與追音同

喪容 案釋名釋言語羸累也恆累於
人也易大壯羸其角釋文鄭虞作羸古羸羸通

色容顛顛釋文顛字又作顛

案廣韻一先顛顛同揚雄

并州箴德岳俱顛靡不悴荒唐書李石傳晉君臣以夷曠致顛覆盧刻釋文改顛作巔謬矣

立容辨卑毋調注辨讀爲貶

案周禮士師若邦凶荒則

以荒辨之法治之後鄭注辯當爲貶聲之誤也說文調諛也从言閤聲或省从諂漢書劉輔傳朝廷無調諛之士師古曰調古諂字

盛氣顛實揚休注顛讀爲闕揚讀爲陽聲之誤也

案書

君夷有若泰顛釋文顛又音田上文色容顛顛釋文顛音田顛聞聲相近釋名釋天陽揚也氣在外發揚也詩

燎之方揚漢書谷永傳引作方陽古陽揚通用

公子曰臣孽注孽當爲枿聲之誤 案古枿與孽通釋詁

烈枿餘也郭注晉衛之間曰櫟陳鄭之間曰烈裔頌苞
有三葉叙傳注引詩作枿書若顛木之有由孽釋文本
又作枿馬云顛木而肆生曰枿徐鍇說文繫傳通論庶
字注云妾隸之子曰孽孽之言孽也有罪之女沒廢役
之而已得見於君有所生若木旣伐而生枿猶顛木之
有由孽也母以子貴也故从子于文子薛爲孽薛者皐
也

必與公士爲賓也注謂作介也 案鄭讀賓爲儼舜典賓

於四門正義引鄭注賓讀爲儼秋官司儀注賓當爲儼
古賓儼通用

明堂位

天子負斧依注負之言背也 案釋名釋姿容負背也置
項背也

脯鬼侯以饗諸侯正義庾氏云史記本紀九侯有女入於
紂侯女不好淫紂怒殺之九與鬼聲相近 案寰宇記
引司馬彪云鄴西有九侯城蓋鬼侯國是

疏屏注屏謂之樹今桴思也刻之爲雲氣蟲獸如今闕上
爲之矣正義曰疏屏疏刻也天子外屏人臣至屏俯伏

思念其事桴思小樓也城隅闕上皆有之 案匠人注
城隅謂角浮思漢書文帝紀七年未央宮東闕罍罍災
師古注罍罍謂連闕曲閣也以覆重刻垣墉之處其形
罍罍然一曰屏也罍音浮釋名釋宮室罍罍在門外罍
復也罍思也臣將入請事於此復重思之也

大路殷路也注漢祭天乘殷之路也今謂之桑根車也

案宋書禮志秦閱三代之車獨取殷制古曰桑根車秦
曰金根車也

著殷尊也注著地無足 案司尊彝先鄭注著尊者著略
尊也或曰著地無足

夏后氏之綬注綬當爲綬讀如冠蕤之蕤有虞氏當言綬
夏后氏當言旂此蓋錯誤也 案釋名釋兵綬有虞氏
之旌也注旌於首其形紫紫然也是有虞氏言綬也與
鄭說合

殷以罍注罍畫禾稼也 案說文斗部罍玉爵也夏曰醢
殷曰罍周曰爵从斗門象形與爵同意或說罍受六升
周禮司尊彝罍彝鄭司農云罍讀爲稼稼彝畫禾稼也
注本先鄭

夏后氏以雞夷注夷讀爲彝 案詩烝民民之秉彝孟子
告子上引作秉夷夷彝古通尙書酒誥無彝酒周禮萍

氏注引作無夷酒魏元丕碑彝戎賓服古夷彝通用

拊搏注以葦爲之充之以糠形如小鼓 案大師擊拊後

鄭注拊形如鼓以葦爲之著之以糠賈疏白虎通引尙

書大傳拊革裝之以糠今書傳無者在亡逸中是鄭說

本於伏生也拊搏卽搏拊古文益稷傳亦與鄭說同

拊擊注謂祝敵皆所以節樂者也 案釋文拊居八反讀

如戛卽戛擊也益稷云戛擊鳴球書古文傳云戛擊祝

敵所以作止樂正義擊祝之椎名爲止戛敵之木名爲

籛戛卽櫟也漢禮器制度白虎通馬融鄭元李巡其說

皆爲然也古戛拊聲近通用書康誥不率大戛正義曰

戛猶搯也禹貢三百里納結服釋文結本或作稽工八

反漢書地理志作戛服漢郊祀志如淳注稽讀如戛

文選

長楊賦拊膈鳴球韋昭曰拊櫟也古文隔爲擊荀子

禮論篇尙拊之膈楊倞注膈擊也卽所謂戛擊鳴球

周縣鼓注周頌曰應縣縣鼓案毛詩作應田縣鼓箋云

田當作幘幘小鼓在大鼓旁應鼗之屬也周禮大師注

亦引詩應幘縣鼓說文申部紳擊小鼓引樂聲也从申

東聲

夏后氏以嶽注嶽之言蹙也謂中足爲橫距之象周禮謂

之距案少牢饋食禮長皆及俎拒鄭注拒讀爲介距

之距俎距脰中當橫節也賈疏明堂位注云周禮謂之

距卽指此俎距而言是距爲俎足中決橫者也

夏后氏以楬豆注楬無異物之飾也齊人謂無髮爲禿楬
案釋文楬音苦瞎反梓人鄭司農注慳讀爲鬻頭無
髮之鬻釋文鬻髮禿也或苦瞎反說文髮部鬻髮禿也
从髟間聲釋名釋疾病禿無髮沐禿也髡頭生創也髡
頭生創曰瘕髡亦然也髡與楬音義同儀禮士喪禮髡
豆兩注髡白也釋文髡苦瞎反集韻髡與楬同豆不飾
曰旣是儀禮之髡豆卽禮記之楬豆也又廣韻十四點
鬻髮並蒲八反禿鬻也十五鐺鬻髮禿兒許瞎切聲與
楬近昌黎南山詩式赤若禿鬻用周禮注

君臣未嘗相弑也禮樂刑法政俗未嘗相變也注春秋時
魯三君弑又士之有誅由莊公始婦人鬢而吊始於臺
駟云君臣未嘗相弑政俗未嘗相變亦近誣矣案漢
注往往糾正經文最爲近古後人作注阿附本文支離
傳會莫能是正是漢儒之所不取也

喪服小記

注文不編冠元端案釋文作文不縛疏謂文不繁縛作
編字誤

大傳

殊徽號注徽號旌旗之名也徽或作禕案徽依字當作

微說文巾部微幟也以絳微帛著於背从巾微省聲春
秋傳曰揚微者公徒今左氏昭二十一年傳作揚徽釋
文祿字从衣毛本誤从示祿古與微通用爾雅釋器婦
人之祿謂之褕張平子思元賦注引作婦人之微